

江蘇府縣志輯

中國地方志集成

丹陽縣志

丹陽縣志補遺

丹陽縣續志

中國地方志集成

江蘇府縣志輯 ③①

光緒丹陽縣志

民國丹陽縣志補遺

民國丹陽縣續志

江蘇古籍出版社 ● 上海書店 ● 巴蜀書社

責任編輯 木惠興
封面設計 范一辛

中國地方志集成

江蘇府縣志輯③①

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價 一七四元

1991年6月第1版 1991年6月第1次印刷

ISBN 7-80519-245-6 / K·125

重修丹陽縣志序

至丹陽之八月縣志適成例得弁言於其上可謂幸矣雖然竊有歎焉夫一邑之大古今之變因革之宜土俗之龐澆民生之勤窳胥於志乎徵之前之人既述所見聞載諸圖籍俾官斯土者得披而悉之參酌而施之所以著成法而利化裁者意至良體至備矣顧傳之既久纂續或不以時初不免以缺略為憾經一二修廢舉墜者為之提倡廣續雖兵燹之後文獻無徵之餘卒能聿觀厥成規模粗具則承乏其後而賴以識顛末詳劇易藉師於前事而權當務之所宜先豈非初膺是邑者重修丹陽縣志

卷之首 後序

一

所大快哉惟是斯志之成上距乾隆庚午至今百三十餘載矣當緒寇未平城陷於賊者五稔歲甲子得以收復又十三年丙子前令劉君誥始創議重修迨屬稿雖完而經費無出去歲陳君炳泰攝篆於茲乃以城工餘款錢六十萬復捐錢四十萬為刊刻經始不足者責之後來議以三月成書又因劉君定稿以來將十年所凡應增應續者皆須再事編輯遂專以屬之附監生林君福源且舉前稿由其討論修飾焉 焯 之至官則開雕固已久矣自維譚陋初蒞是邦不敢不以咨故訓訪遺文為亟亟而志乘所載今日之考鏡將來之矩矱實資焉

計疆域之廣袤覽河朔之支委形要所係障決所宜吾得其大勢而經界何以正水利何以修竊慮援據之或未詳也問丁漕之贏縮較物產之盈虛民命所關土宜所萃吾得其大凡而賦役何以平食貨何以正竊慮條貫之或未密也考營建而城郭壇壝杠梁里聚之迹可求孰經紀是而鞏固是竊慮原委之或未晰也觀人物而孝友忠義節廉貞隱之行可述孰闡揚是而興起是竊慮採錄之或未周也列前人之政蹟吾取為法鑒之資願當代之典章吾視為率循之準而是非何以不謬損益何以協中竊慮褒貶之易誣而利弊之未切也自

重修丹陽縣志 卷之首 後序

二

餘分門別類靡焉弗賅而體例必如何而始嚴去取必如何而始當文藻必如何而始不濫不支 焯 以職所當知即心所難忍誠不自揣時亦以管見所及商榷而訂正之而於剗剔既就諸編則仍有未便更張者且大府方嚴檄督催而用款未充籌備亦不易因陋就簡之失誠知弗免於私心尤戚戚焉以云信今傳後希風古人誠非區區所敢必也然竊聞之

國家功令凡州縣志書六十年必一編纂自今以往太平康樂累洽重熙例定之章無不及時修舉丹陽人文輩出異時豈無康對山呂涇野其人乎則斯志之成他日

方當視爲大略之推輪且幸其於百三十餘載之時先後投輜而散者佚者湮沒而弗彰者皆可據依而不盡淪廢是劉陳諸君經營十稔之功關係固重而至官八月得以觀成而遂附名於後其又可幸也夫其亦可無歉也夫

光緒十一年歲次乙酉六月知丹陽縣事申江凌焯謹序

重修丹陽縣志

卷之首

凌序

三

重修丹陽縣志序

邑之有志所以詳方域之沿革紀賦役之贏縮校人材之消長者風俗之盛衰其體例與史微不同而其資於治則同將使膺民社者物土宜備早滂通工商以施其富民之策隆學校悉俊髦褒節義以展其教民之謨胥於是攬綱領焉則志之關乎一邑與史之關乎天下無以異蓋志之重也如此史以備天下之事志以備一方之事天下者一方之積也邑志者補史所不及詳附庸通志而卽羽翼國史者也獨是鄉里之間是非得失耳聞目見

重修丹陽縣志

卷之首

劉序

一

日習爲常罕有人焉網羅編次裒集成書以備修志之採錄者倉猝訪求非漏則濫蓋修志之難也如此且一邑之志或闕三四十載而一修或闕五六十載而一修典籍俱存者舊猶在博考旁稽集事尙易曠廢至百有二三十載之久而其間復更兵燹紀載散亡人物寥落當此而議增修其事愈重其勢愈難而其時愈不容緩蓋今日之志宜急於修也又如此丹陽古延陵曲阿地據水陸之衝控南北之要商周之間秦伯季子迭興仁讓百世之下餘韻流風猶有存者自吳楚漢晉以迄李唐

疆界分合風會變遷史冊具在其略可聞宋室南渡陽屬鎮郡爲瀕江重地干戈猶患日尋至元明以來民生罕見兵革其君子崇文學而敦氣節其小人務稼穡而尙儉勤鴻學茂俗輝映簡編

國朝

列聖相承重熙累洽

翠華南巡厚澤深仁滂皇周浹人文蔚起民物滋豐商旅所趨漕船所輳以至乎嘉道之際可謂盛矣惜其時無有起而任續修之責者遂使盛美闕略或多未詳迨咸豐以還粵匪煽禍毒痛東南陽當要衝

重修丹陽縣志

卷之首

劉序

二

羽書旁午醜類騷庚申城陷爲賊踞者五年甲子克復閭里蕭條民居鮮少公私冊籍焚蕩靡遺官斯土者未久代去十年生聚十年教訓姑未遑暇又奚議及修志乎自時厥後民困稍蘇蓋嘗有議修者稽文詒獻因難輒止歲丙子誌承乏茲邑下車伊始延訪耆宿創議重修適逢當道檄催並委楊綬臣太守督理爰於十一月朔設局延董搜採增輯越歲夏五採輯略備增於舊者十之三殉難則別爲一門錄草本屬序於余余惟志猶史也今觀是志疆域河湖猶史之有地理物產出賦猶

史之有食貨忠節儒林猶史之有例傳餘所分列各門要皆略倣史例而變通之而其大要則在詳著利病備究細微以待賢長令之有志富教者斟酌損益法乎古以準乎今宜乎民而適乎俗漸復乎堯昔之盛焉耳然則修志固今之所重而歷歲曠遠浩劫凋殘愈重而愈難亦愈難而愈急矣誌不敏供職日淺加官加教無能爲役又受代有期逝將他適而猶汲汲焉樂與邑人士觀成者亦期志書粗了庶乎後之君子有所考鏡以適於治也若夫剞劂成編則尙俟諸異日云

重修丹陽縣志

卷之首

劉序

三

光緒三年歲次丁丑知丹陽縣事滑臺劉誥謹序

重修丹陽縣志序

丹陽在江南一隅蔽之區也而地當南北夷庚髮逆之蹂躪又視他邑為特甚余下車以來竊以兵燹餘生元氣未復欲民樂業莫若以不取為子以不擾為安故凡事之資乎捐輸者輒不願以刻期成之邑舊有志失修者百餘年矣前署任劉君樸卿奉 上憲通飭開局續修三月而畢共得稿若干卷前署任帥君靜陸復於公餘之暇重加校讐均以籌款維艱欲付手民而未果余視事之三年以各州縣志告成者過半頻奉 札催於是邀集局董分勸殷實商民募金繕梓並捐廉以倡之

重修丹陽縣志

卷之首

張序

詎志捐未集而賑災胥捐賑捐甫畢而築城又胥捐余懼十數月之間重累吾民民不堪命也復邀諸董議議以事有緩急宜先城而後志乃工未及興而余以不職去矣先是余以志期垂遠未可輕易取新稿繙閱數過管見所及頗亦有所損益及將行局董諸君子惓惓以序為言余愧不達時宜未能併力兼營俾一邑文獻所存觀厥成於旦夕而諸君子之雅意不可違也於是乎

光緒九年重陽後三日知丹陽縣事山左張庭蘭撰

重修丹陽邑志序

邑之有志猶國之有史也周制命太史陳詩以觀民風所以考政治之得失也後世綜前賢遺蹟載之邑乘所以發潛德之幽光也況秦伯端委而治季子指讓成風自漢唐迄於今其間忠臣義士孝子節婦可歌可泣可法可則者均足以激發其志氣增長其識力以成一代之偉人斯闢幽之編亦希賢之軌也 余自丙子夏季館於大令 劉樸翁寓所旋郵寄鳴鳳書院課卷數百本囑閱展讀一過知丹邑為人材藪蓋心嚮往之小陽月抵丹觀

重修丹陽縣志

卷之首

張序

其俗民尚勤儉驗其學士敦經術此固朝廷德化之所漸被歷任大令教澤之所涵濡而實賴鄉先輩樹之儀型也有志修明者其忍聽其磨滅不彰倘矩矱以自歧其趨嚮耶或者謂載籍極博奚有一志前賢之散處遐方足以供私淑者亦甚眾奚止一邑株守一編毋乃隘甚非隘也其志疆域即封建之典可溯也其志學校即庠序之教益謹也其志水利賦貢即井田之意猶存也於天志祥異可作月令書觀於地志風土可作幽風圖觀於人志忠節孝義可作廿二史觀志書籍藝文可

作文獻通考觀噫天地之大闢於彈丸古今之富
藏於尺牘士之能自樹立者覽其大略亦足以開
拓心胸恢宏志氣況闢修數十年總括乎經子史
之全者耶然則茲志一成備輜軒之採補國史之
闕而凡在膠庠之士亦得以紹述前徽觀前人之
器識以自勵取前人之文藝以自勉將見品學兼
優人才蔚起帖括增經濟之光文章自堪華國閭
閻釀和祥之氣孝友亦足傳家是則丹邑之縉紳
耆老所望於後學抑亦望下風所景仰而欣羨者
也時

重修丹陽縣志

卷之首

張序

二

光緒三年丁丑和月上澣古皮張樹森謹序

舊序

丹陽古曲阿也為京口郡之屬邑當水陸之衝據四達
之會山川旁圍物產鮮少俗被秦伯季子之遺風多崇
謙讓而薄爭競尚節儉而黜紛華昔人有云本秦伯衣
冠之化良有以也舊有縣志屢經修輯或失之略或過
於繁有司未暇更定而梓行焉邇者永康朱良矩以名
進士作宰吾邑首以教化風俗為意奈因庶務繁劇未
暇及於邑志問詢於境內得邑人朱密舊所編志鳩工
摹刻繼而病其附載文繁卒難畢工矧數蒙催取恐致
遲誤故予忘其疲老取其未刻者刪其繁蕪補其缺略

重修丹陽縣志

卷之首

湯序

一

續而刊之以序見屬予惟縣之有志猶國之有史也史
以記善惡是非之實政治得失之由志以載山川險易
之詳風土美惡之異理不可缺按周禮職方氏掌收天
下圖籍以之辨方域制土貢後世郡邑之志蓋本乎此
固王政之所不廢昔漢破秦諸將多入庫藏競取金寶
蕭何獨詣相府收取圖籍以故高祖得知天下之阨塞
戶口之多少可謂知所先務矣予嘗患吾邑之志未及
板行每惜前後從政者視為末務漫不加省遂至廢格
因思子朱子昔守南康下車之初輒以郡志為問古今
事殊奚翅霄壤今幸斯志之有成將傳諸永久庶幾後

來爲政者得有所徵考且以仰副賢邑宰之盛舉是誠可嘉故不辭而勉爲之序云

正德十四年歲次己卯季冬邑人湯禮敬謹序

重修丹陽縣志

卷之首

湯序

一一

舊序

宰天下之大者志一統試邑里者必隨邑之所有而志之邑非天下比奚爲急於志也百里之內川谷異制民生異俗因地爲政當順其習而利導之則邑之志不容已也濶丹陽有志舊矣經始宋蔡逢歷國初張剛王庸迨正德己卯永康朱氏爲令始克成編自子戊辰署邑其去朱永康成志之日僅五十一年田賦政令已代異而歲不同矣今弗取志新之愈遠愈淆嗣爲令尹者何以識張弛之宜而善丹陽之政於無窮乎則邑之新志不容已也乃於簿書之暇闢館潔楮敦延鄉達吳川令

重修丹陽縣志

卷之首

馬序

一

華陽丁君民部郎雲洲荆君偕博士謝子廷試金子璫王子繼鳴簡諸生才者五人耆民諳者二人相與準禹貢周職方制採舊志蒐羣籍大書以提其綱分註以詳其目亂者糾而貞之繁者刪而核之逸者增而詳之始事今年己巳春正月新令孫君珮以首夏至畢力贊厥終事迄閏夏六月新志成釐爲十有二卷支分三十五類予取而讀之則見因革紀而制度可循也利弊周而政教可法也取舍詳而褒貶可定也不俟詢於耆逸而民風之淑慝有所證矣不必聽於閭閻而民務之緩急無遁情矣不必足躡邱陵身履原隰而山川疆域之盤

錯道里井邑之往來有以參斷而經制之矣鴻織洞朗
流風彪蔚執斯志以往所以告新令尹而善丹陽之政
者殆無窮也非我尹民者一大慰哉孫令請壽梓以傳
且謂志之新予意也願一言題其端予因新志有感焉
志非觀美具也無論宰天下者一統有志即喻之富姓
然運千金之產未有不悉其家之所有與所宜行者登
之籍也至邑之志則有漠然不加意者嗚呼家之有籍
以治生也邑之有志以經世也家無籍財弗稽矣無以
調劑盈縮而養其生邑無志政莫考矣何以量度機宜
而善其治古人愛國如家保民如子殷於治家忽於治

重修丹陽縣志

卷之首

馬序

二

邑非吾所敢知也然則邑志新而政體昭矣政體昭而
治邑者將益有所據矣予求為宜民之政而忠於新令
尹者或在是乎雖然今日所新之舊志昔朱令新志也
至予已再新之矣後之視今猶今視昔千百世而下詎
無可因可革者乎變通以趨時神化以宜民初不病其
為異己也要之同底於道焉爾允若茲丹陽之志雖萬
古常新也又在後賢令尹加之意爾

隆慶三年南京戶部廣東清吏司員外郎前進階奉政
大夫同知鎮江府掌丹陽縣事雲中馬豸書

舊序

往癸丑歲

皇帝允輔臣請

詔修一統通志會軍興停止邇者巨魁蕩平小腆俘馘

王會與圖式增其廓於焉興禮樂崇文明覃敷翔

洽顯燦需皇因而踵茲成命

救禮部檄下諸督撫大臣彙修省志省徵於郡郡徵於

縣俾各分條別類編次成書上之京師備太史氏

裁擇不休哉其古者採風之意乎

聖天子不能躬歷閭閻與小民相勞苦用仿周禮之制

重修丹陽縣志

卷之首

吳序

一

取大司徒職方氏小史內史所掌圖誌留覽紀載
以周知天下之務於天下純雜貞淫休戚利害諸
大端為之移易補救一切更始馴致乎敦龐太和
之治甚盛典也故雖小邑弗可苟矣丹陽古延陵
雲陽地秦伯季子禮讓之遺千百年風流未泯乃
邑志之修則自前明隆慶以後無有起而續之者
之彥承乏是邦有志未逮恭逢

詔旨適愜夙心爰取邑志考之如所云宋蔡逢明張剛
王庸宋密諸本既已無可稽考僅存正德隆慶時
兩志又苦紀載缺略模邈無文等於杞宋之僅存

已耳而後此百餘年間則代遠蹟湮幾有聲華歇絕之懼是誰之過歟爰與教諭過于飛謀所以編輯之得邑士之才者三人曰賀國璘姜文燦湯玉浮設局纂修凡建置沿革以後昆野所分疆域所定山川所流峙宮廟廡舍秩祀典禮所裁制與夫風俗之純漓戶口之盛衰賦役之增減災祥之感召生備食貨之登耗亭臺津梁陵墓第宅之成毀官師佐貳之污隆昔缺而今宜補者幾何昔逸而今宜收者幾何昔無而今宜增設者又幾何正史而外舉山經地志稗官野史羽陵石室之秘斷碑

重修丹陽縣志

卷之首

吳序

二

殘碣之遺靡不旁搜博考附以論斷而尤加意者則在人物一志名臣儒林篤行動蹟及夫閨門之化釋道方伎之術有美必揚有徵必備約而信嚴而不苛較之舊志亦綦詳矣是役也凡四閱月盡一十五卷聚精會神窮膏繼晷操筆者具苦心焉而職任監修鑒定者亦不敢故為謙讓稍自託於趙營平不嫌伐勞之義或藉是以塞報稱乎書成次第付梓值之彥奉部議鐫級受代有期獨所為藝文雜紀五卷尙屬闕如不無爽然若失者傳曰不在其位不謀其政異日求獻章明備卷帙完好

以仰副

聖天子右文至治不能無望焉請以俟後之君子

康熙二十二年歲次癸亥九月既望知丹陽縣事

奉部議鐫級吳之彥謹序

重修丹陽縣志

卷之首

吳序

三

重修邑志序

往余為諸生時邑侯喬敦峯夫子以重纂富平志見招辭謝不獲濫竽分校因搜覽關中各邑乘內惟武功康對山高陵呂涇野二先生編記為最其敘事簡以該屬辭古以奧斐無就質力追秦漢洵為一代手筆而武功志僅七篇雲垂海立包羅萬有尤為宇內僅見之書至今思之不忘乙丑釋褐

命南來初補如皋閱一歲調任雲陽簿書之暇欲披志乘考此邦文獻詎殘闕不備蠹魚漫漶無從窮其

重修丹陽縣志

卷之首

趙序

一

竟委蓋自吳靜庵纂修以來於今已七十餘年矣竊惟我

國家重熙累洽風敦俗美而陽邑素號名區人材輩起忠孝節義後先相望不有紀載其何以勸懲

昇平而宣揚

聖化乎司訓陸徵君為三吳名宿與余有同心亦慨然以修輯為任正在陬吉興舉間適余奉

命入

覲厥志未逮嗣任鄰公倡行之割俸開館延請邑之學富而行優者分任考訂廣為搜羅毋濫毋遺用矢

公慎而以司論孫君并陸君專董其成余亦旋蒙

制撫兩臺保留辦差得襄其事會鄒公又以疾捐館余復奉委署篆而志稿適成終日鹿鹿弗獲詳加校正偶就諸君子編次內之略可商推者謬參已見雖不能追武對山涇野蔚然古茂與前頡頏然原原本本非非繩繩敘次有法好惡無阿庶幾可稱實錄而不至蕪穢貽譏矣更幸新尹賀容川先生以江右碩儒來蒞茲土踵事增華復加點次迄仲冬哀然成書敬裝潢成帙以備

翠華南臨陳書觀風之一助而舊守茲土者得以藉酬

重修丹陽縣志

卷之首

趙序

二

夙志是又余之厚幸也夫爰不辭謏陋而為之序昔乾隆十五年歲次庚午仲冬

賜進士出身文林郎前知鎮江府丹陽縣事關中趙

廷健撰

舊序

邑志者一邑之史鑑也山川風物於是乎存忠孝節廉卽於是乎備徵文詒燠下成風俗之書納賈陳詩上供輶軒之採典綦重矣哉況恭遇來春聖人南幸時邁其邦蒞問下民將詢邑志是以各憲飭修賢宰鳩輯歲秒工竣陽之薦紳以余獲校字而屬序焉余觀夫陽爲京口門戶歸輪之塗也其鎮經山其澤練湖其川運道其土多曠平其俗崇儉樸其民務本業而鮮遠賈其士好古學而寡繁文其達者彌直節其富者好施予其土著多大姓

重修丹陽縣志

卷之首

孫序

一

其風尙尊高年擬諸北方之國蓋在唐魏鄒魯之間者也稽古有虞吳爲荒服自延陵公子起南方聘上國與吾夫子爲莫逆神交繇是一洗勾吳陋習大啓南國人文陽邑其故居也其流風餘韻固猶有存焉者自是循良理學騷客儒宗世有達人代多英傑宜乎薰蒸觀感陽有三代遺風矣至於問麒麟之斷碣詢謀卹之仙蹤銀杏猶存金牛徑去雖考古者所盤道而余之爲陽重者固在彼不在此也至我

國家蠲賑之恩萬方覃被而豬湖以資水利動帑以

濟漕河則千載一時尤陽人永賴之福極也生斯邑者爲臣必忠爲子必孝士敦正學民息訟風上不負

聖世之養恬下不愧賢人之桑梓茲邑志之修輯夫豈徒哉抑纂修者竭其忱樂輸者勤其義賢大夫仁士或已詳言之余不贅者懼褻也姑溪孫右祥沐手謹撰

重修丹陽縣志

卷之首

孫序

二

舊序

從來文質之迭運各因平時質極者必趨於文文
盛者貴有其質志以文尚惟有質以為之幹風斯
懋焉丹陽邑乘向傳前明正德隆慶二志論者或
病其樸樸寡文至我

朝

聖祖仁皇帝龍飛歲在癸丑奉

詔修一統志 部檄直省郡邑各志次第修舉前縣令

吳之彥集邑之文士編纂成書共二十卷以事歸

級去任尙虛名臣理學藝文雜記諸卷未備不無

重修丹陽縣志 卷之首 鄒序

缺略之憾嗣後六十餘載未有重加修輯者廷模

以乾隆己巳冬十一月奉調茲土甫受事於一切

城池學校田賦戶籍悉留心經理隨有志鼎新邑

乘會有

旨於明年

車駕南巡邑之人士僉以謂雲陽勝地

六馭所臨而前志鏤板濫漫設

天顏顧問不足以備觀覽非所以壯

宸游昭盛典也爰合詞公額增修延模嘉其適符鄙見

繼昭前令趙廷健迺知總督久已檄催修葺業與

訓導陸桂馨參酌又教諭孫右祥到任同事有人

爰開局採訪聘請名賢博稽羣籍詢諸耆老虛公

延攬務求敬慎詳悉拓舊志而加倍焉釐為二十

二卷付諸剞劂凡六閱月而工始竣念自承乏以

來未及卅歲兼奉 各憲指授凡城隍祠廟名區

古刹

總輅經山之地繕完整飭漸次觀成若邑志乃向時所

視為緩圖而不加之意者然沿流與廢實具於是

且夫為政之道務準諸古而因革損益必隨世文

質以為繁簡方今

重修丹陽縣志 卷之首 鄒序

聖天子重熙累洽文治駸駸日上章程憲典所在詳備

邑乘所載名物制度人材風俗以及錢穀工役前

有所承斯後有所繼而

國家之史亦於是乎取資其所闕為甚鉅儻因陋就

簡將何以信今傳後是編特苦心蒐討考據明確

閱者觀其序述之詳紀錄之實文質之際庶幾兩

無遺憾蔚然可稱完書斯固邑中先達英俊同心

撰述之力若夫經營措置監督鑿茲延模亦與有

微勞刻成川書其事於簡端且以見我

朝氣運之隆加於前代粵白

世祖章皇帝英武開基規模宏遠

聖祖仁皇帝繼之六十餘年久道化成漸摩淪浹傳至

世宗憲皇帝精明嚴肅紀綱振刷爰及我

皇帝嗣登大寶寬仁惠愛休養生息人文富盛民氣熙

和

四朝德澤洋溢閭閻紀載益繁休風弗替擬諸周室文

武嗣興而雅頌之作乃在成康之世後之覽者亦

將有取於是乎時

乾隆十五年歲次庚午八月知丹陽縣事鄒廷模

謹序

重修丹陽縣志

卷之首

鄒序

三

正德十四年重修丹陽縣志職名

丹陽縣知

縣朱方

舉人馬致遠

生員潘暉

生員湯榮

生員李鳳

生員丁玘

重修丹陽縣志

卷之首

職名

一

隆慶三年重修丹陽縣志職名

鎮江府同知丹陽縣知縣馬豸

丹陽縣教諭謝廷試

丹陽縣訓導金璣

丹陽縣訓導王繼鳴

原任吳川縣知縣丁一道

戶部主事荆文炤

重修丹陽縣志

卷之首 職名

二

康熙二十二年重修丹陽縣志職名

文林郎知丹陽縣事吳之彥

署丹陽縣教諭過於飛

丹陽縣訓導吳燮

生員賀國璠

生員姜文燦

生員湯玉浮

重修丹陽縣志

卷之首 職名

三

乾隆十五年重修丹陽縣志職名

主修

文林郎知丹陽縣事 鄒廷模

文林郎知丹陽縣事 趙廷健

文林郎知丹陽縣事 賀祥珠

監修

丹陽縣教諭 孫右祥

丹陽縣訓導 陸桂馨

總纂

舉 人 荆澤永

重修丹陽縣志 卷之首 職名

舉 人 賀沈采

分纂

舉 人 徐鳳彩

舉 人 郝鳴皋

歲 貢 生 賀 雍

分校

舉 人 湯 懋

原任 歙縣訓導 張元龍

郡 廩 生 郭 毅

增 生 潘 崧

國 學

優 生 何上晉

生 員 何仕夔

重修丹陽縣志 卷之首 職名

五